

مقدمة

يظن البعض أن تصرفات وأفعال الناس وتفكيرهم مبني على قرارات منهم فقط على الرغم من وجود عوامل أخرى كانت سبب غير مباشر في تكوين شخصية متخذ القرار

لذلك نحن نعيش بتأثير نظرية علمية تسمى بنظرية تأثير الفراشة أي أن حدث صغير في الماضي يؤثر على حياة عائلة كاملة في المستقبل

فلك أن تتخيل لمجرد تباهي ملك بقدرات دولته العلمية والهندسية منذ أكثر من خمسة آلاف سنة فيقوم ببناء حضارة أدت إلى دخول أموال كل عام لدولته في المستقبل لمجرد مشاهدة السياح لهذه الحضارة

ومن الممكن كلمة تغيير حياة شخص مثل اعتراض أب على ابنه بكلمة لا تجعله لا يذهب إلى مكان ما كان سيلقى مصرعه فيه وهذا يكون مجرد سبب بقدرة الله عز وجل لأنه مسبب الأسباب

وعندما يتعلق الأمر ببناء شخصية بشري يجب مراعاة أن الشخص لن يعيش في جنة، بل سيعيش في مجتمع يقابل فيه الصالح والطالح

لذلك سنرى ذاك الشخص الذي دمرت شخصيته عندما يتعامل مع البشر وما صنعه البشر

البيانات جدي

دموع الفرح

في يوم ٢٠٠٢/٥/١٦ كانت أهم ليلة لدى الطبيب الجراح (محمد عمرو البلتاجي) حيث كان سيرزق بمولودة الثالث و ولده الثاني والذي كان متفق على اسمه من قبل أن يولد وهو (عاصم)

وهكذا أصبح لدى البلتاجي ثلاث أطفال هم

(فوزي) صاحب ال١٢ عام ، (شهد) صاحبة ال١٠ أعوام ، (عاصم) المولود الجديد ،

وعلى غرار ولادة فوزي وشهد قام الدكتور محمد باستدعاء الداية عيلة التي قامت بتوليد درية مرتين من قبل

كانت توجد حالة من التوتر على وجه البلتاجي و ضربات قلبه متسارعة و صدره يصعد ويهبط و كان طوال الولادة يتحرك بشكل متردد من يسار الممر إلى يمين الممر و يعجل نعمة مدبرة المنزل بأن تسرع في إدخال المياه الساخنة الذي طلبتها الداية و من كثرة التوتر جلس على الأرض بجوار أولاده مع صوت صرخات تخرج من الغرفة حتى سكت الصراخ و تبدل بصوت رضيع يبكي بحرارة فأسرع البلتاجي بالنهوض تجاه الباب

محمد: طمئيني

عبلة: ألف مبروك ولد ، هتسموه إيه ؟

محمد: أنا و درية اتفقنا نسميه عاصم

عبلة: يتربى في عزك يا دكتور

محمد: ربنا يخليك يا عبلة والله عقبال لما تشوفي أحفادك
يا رب

نظرت عبلة للأطفال وابتسمت

عبلة: إبسط ياعم فوزي جالك إللي يدخلك الجيش أهو

فوزي: جيش! لا جيش إيه مش عايز أدخل

عبلة: لا إذاي ده الجيش للرجالة

فوزي: طب ما هو بابا مدخلش الجيش وهو راجل برضو

عبلة: ايوه عشان بابا مكنش ليه اخوات

فوزي: طب اشمعنا أنا يبقى ليا خلاص انا مش عايز أخ

عبلة: ده هيبقى سنديك بعد ابوك ربنا يديله طول العمر

قطع محمد الحوار وقال للداية أن تذهب معه غرفة المكتب حتى يتحدثون في الأمور المالية وقام بالتوجه إلى الأعلى متجهاً ناحية غرفة المكتب ولحقته الداية

محمد: اتفضلي يا عبلة..

محمد: يا نعمة هاتي شربات لعبلة

نعمة: حاضر يا بيه عينيا

عبلة : مالوش داعي والله أنا مش غريبة

محمد: لا مالوش داعي اذاي ده انتِ في بيتي ، إيه عايزة تقولي عليا بخيل

عبلة : لا مش القصد بس كنت عايزة أعرفك حاجة

محمد: اتفضلي قول عايزة مبلغ أكبر من إللي اتفقنا عليه؟

في هذه اللحظة كاد أن يدخل عليهم فوزي حتى سمع الداية تقول

عبلة: لا مش موضوع ماديات أبداً ، أنا كنت عايزة أبلغك
تحت بس الأطفال كانوا جنبك

محمد: خير يا عبلة قلقتيني

عبلة: الولادة كانت طبيعية و مشيت بشكل كويس جداً
لكن درية نرفت كتير عن اللزوم و درية..

محمد: درية مالها يا عبلة

عبلة: درية تعيش أنت

ظل ينظر محمد إلى الداية بتعجب ولم يستطيع التحدث
من الصدمة

حتى دمعت عيناه وقال لها بصوت يشبه صوت فحيح
الأفاعي

محمد: درية. درية مراتي ماتت.

عبلة: والله يا دكتور محمد ده قضاء وقدر شد حيلك

قبل أن تبوح الداية بخبر وفاة درية كانت نعمة قد
أحضرت الشرابات ولاحظت وقوف فوزي على باب
المكتب وعندما اقتربت حتى تسأله لماذا يقف على الباب
سمعوا الإثنين خبر وفاة درية حتى أصبح فوزي مثل

الشخص المصاب بمرض فرط الحركة ، أصبح ينظر لليمين ثم اليسار بسرعة وعيناه انتفتحت من كثرة الدموع التي أغرقت عيناه في ثواني معدودة وكاد أن يصرخ حتى لحقته نعمة و أسقطت كوب الشربات وقالت له

نعمة: ولا كأنك سمعت حاجة أبوك لو عرف إننا سمعنا من غير ما نكون جوه معاهم مش هيعدي علينا نهار اسبقني جري على المطبخ

سمع فوزي حديث نعمة وهو وجهه شاحب ثم نفذ طلبها وذهب مسرعا إلى المطبخ كما طلبت منه

ثم فتح محمد باب المكتب حتى يعرف مصدر صوت الكسر ليجد نعمة تلمم قطع الزجاج المكسورة والتي تناثرت عليها قطرات حمراء من ماء الشربات

نعمة: دكتور محمد!

أني أسفه يا بيه هروح أجيبها واحدة تانية في ثواني

محمد: لا يا نعمة خلاص ملوش داعي

نعمة: يوه مش إله داعي إذاي يا بيه هو إحنا بخلا ولا إيه خير ربنا كثير الحمد لله

محمد: حسك عينك حد من الولاد يعرف حاجه

نعمة: يوه! إيه الكلام ده يا بيه لا لا الولاد لازم يعرفوا
بدل ما يلاقوا أهمهم في يوم وليله اختفت مرة واحدة وكل
يوم يسألوا عليها ويعيشوا في وهم
يعني قلوي مثلاً يا بيه لو جم في يوم سألوك ماما فين
هتقله...

قاطع محمد ثرثرة نعمة بلهجة خشنة وقال: أنا مش عايز
كلام كتير دي حياتي ودول ولادي وأنا عارف أنا بعمل
إيه مالكيش دعوة إنتي
نعمة: حاضر يا بيه

محمد: الولاد يعرفوا يعني إنتي برة

نعمة: مش هيعرفوا يا بيه

محمد: تمام. يلا شوفي إنتي رايحة فين

وفي وقت ما كانت نعمة تتحدث مع دكتور محمد كان
فوزي جالس يبكي في المطبخ ومن ثم دخلت عليه شهد
أخته

شهد : إيه ده ؟ انت بتعمل هنا إيه يا فوزي ومالك بتعيط
ليه هو بابا ضربك؟

فوزي : لا مفيش حاجة . إنتي جاية المطبخ إيه أصلا ؟

شهد : لا مفيش لقيت ماما تعبانة أوي ومش بتردد قلت لما
أروح أعملها كوباية مائة بسكر وأشربها عشان تفوق

وفي هذه اللحظة انفجر فوزي في البكاء

فقلقت شهد واقتربت منه حتى تعرف ما السر الذي يخفيه

شهد : في إيه ؟

فوزي : هيكون في إيه يعني؟

شهد : لأ أكيد في حاجة ، أنا عارفك كويس

فوزي : قولتلك مفيش حاجة بس خايف من ماتش انهارده
مش أكثر

شهد : ماتش إيه؟ أنت بتكذب عليا. أنت بقالك أسبوع كل
يوم تقولي هنكسب ونخرجهم وهنعلمهم الكورة

ما تقول في إيه يا فوزي

فوزي بحسرة : بس بابا مايعرفش.

شهد : ماشي مش هقوله حاجة

فوزي : كنت داخل اقول لبابا أن عاصم بيعيط وماما مش بتصحى فسمعتهم بيتكلموا عن موضوع مش عايزين يتكلموا فيه قصادنا وبعد كده عرفت إن ماما ماتت

ثم بدأ فوزي بالبكاء مرة أخرى لكن بشكل أعنف من ذي قبل وبعد سماع شهد للخبر كانت مصدومة صدمة كبيرة وأصبح لسانها غير قادر على الكلام و وجهها غير قادر على التعبير و لم يتحرك جزء في جسمها سوى عيناها التي كانت تتحرك حركات دائرية سريعة وتدمع بقوة

وعندما اشتد بكائها اتجهت إلى باب الخروج من المطبخ حتى تتجه إلى غرفة أمها لكن اصطدمت بنعمة التي كانت لا تفهم سبب زعرها ثم أخذتها من زراعها وسحبها إلى الداخل مرة أخرى ونظرت إلى شهد ثم إلى فوزي الذي كان يجلس على كرسي ويبكي ثم بدأت تترك شهد وتتجه ناحية فوزي

نعمة : عشان خاطري أوعى يكون إللي في بالي صح

وجه فوزي نظره إلى نعمة بدون أن يلقي أي كلمة

نعمة : يبقى إللي في بالي حصل ، ليه كده يا فوزي

شهد : هو فعلاً الكلام إللي بيقوله فوزي ده حقيقي يا نعمة ؟

نعمة : أبوس إيدك يا شهد مش تعرفي أبوكي إنك عرفتي
أي حاجة أبوكي قايل لو أنتوا عرفتوا حاجة هايمشييني من
هنا ويقطع عيشي

فوزي : لا مش هنقله طبعاً

نعمة : طب بصوا يا ولاد انتوا روحوا لاعبوا عاصم
شوية و برضو خليكوا مع أمكم

ثم بدأت نعمة في محادثة نفسها في السر

عيني عليكم يا ولاد أبوكم عصبي وقراراته غلط يلا اهو
تقعدوا مع أمكم شوية قبل ما تندفن تحت التراب ومش
تشوفوها تاني

اتجه الأولاد إلى غرفة درية التي فارقت الحياة وجلس
فوزي بجوار أمه وهو ينظر إليها بنظرة حسرة وفقدان
الحنان واتجهت شهد إلى عاصم وحملته

شهد : شايف الملاك ده يا فيفو

فوزي : فين الملاك ده

شهد : أهو عاصم

فوزي : بدمتك ده منظر ملاك ده صوته مزعج كأنه
شيطان مش ملاك

شهد : بس يا ولا انت بلا شيطان بلا بتاع ، ماتسمعلوش
يا عصومي ده بس غيران عشان بدلحك انت وهو لأ

فوزي : طب تعرفي أن الملاك ده سبب موت ماما
شهد : انت بتقول إيه يا فوزي إيفرض بابا دخل علينا. انت
عارف هيعمل إيه ؟
فوزي : لأ هو السبب
في هذه اللحظة دخل محمد الغرفة ليجد أن فوزي يجلس
مع أمه و شهد بجواره تلاعب عاصم
محمد : بتعملوا ايه يا ولاد ؟
شهد : بنلاعب عصومة يا بابا
محمد : ماشي يا حبيبيتي ربنا يخليه ليكم ، يلا يا فوزي
مش انت قلت هتفترج معايا على الماتش
فوزي : ماشي جاي أهو
شهد : بابا هو أنت بتعيط ؟
محمد وهو يمسخ الدموع : أيوه يا حبيبيتي دي اسمها
دموع الفرح .

بدأت المباراة ومحمد يشاهد المباراة بحزن وفوزي يحاول
أن يتصنع في أن يكون بحالة طبيعية ومع صافرة البداية
مدحت شلبي: سيداتي أنساتي سادتي بسم الله الرحمن
الرحيم والهدف الأول للنادي الأهلي

وضع محمد يده على وجهه وهو ينظر لشاشة التلفاز ولا
يصدق سرعة تسجيل الهدف

فوزي (في سره) : إيه ده يدخل فينا جون بالسرعة دي

ده إحنا وصلنا كأس عالم واحنا أبطال الدوري إذاي ده
يحصل ، بركاتك يا عاصم

انتهى الشوط الأول بنتيجة 0/3 لصالح النادي الأهلي

فوزي : هو طبيعي ده يحصل ؟

محمد : الكورة مكسب وخسارة

فوزي : بس إحنا رحنا كأس العالم و هما لأ

محمد : مش لازم تكون موجود في كأس العالم عشان
تثبت إنك فريق قوي

عندك مثلاً فريق ذي الميلاق و برشلونة مشاركوش مع
إنهم أندية قوية جداً

فوزي : بس إحنا أبطال الدوري

محمد : عادي برضو مش لازم تكسب كل الماتشات
عشان أنت بطل الدوري

صمت فوزي وبدأ يتابع أحداث الشوط الثاني

وكاد أن يطير من الفرحة بعد تسجيل الزمالك لهدف
التقليص لتصبح 1/3

فوزي : أيوه كده أكيد هنرجع تاني

مر الوقت وكانت الأمور تزداد سوءاً

مدحت شلبي : كورة مع رضا شحاتة عايز يعدي واحد على واحد ، وطالعله بلال وطالعله بيبو ، يحطها لبيبو وبيبو عايز يعدي. عدى عدى . بيبو وبشير بيبو وبشير بيبو وبشير بيبو وبشبيير ، بيبو والجون بيبو وبشير بيبو والجون

وللمرة الثانية في نفس اليوم بيكي فوزي بقوة وكان يحدث نفسه في سره

فوزي : إذاي إذاي في يوم واحد أمي تموت والزمالك يخسر 6 من الأهلي

6 إذاي بس ، واضح أن وشك فقر يا عاصم يا ترى إيه مستنينا تاني بسببك

اتجه فوزي إلى الغرفة التي تستلقي فيها جثة أمه وكان عاصم نائم في سرير الأطفال الخاص به وكانت شهد تحتضن جثة أمها ونائمة ، فظن فوزي إنها نائمة بشكل طبيعي حتى نظر إلى وجهها ليدرك أن عيناها منتفختان من كثرة الدموع وتحجرت خطوط مجرى الدموع على

خديها ، حتى يحتضن فوزي جثة أمه وهو يبكي وكان
احتضان وداعي

فوزي: شفتي يا ماما ! قتلتك مش عايز أخ بس إنتي كنتي
كل شوية تقولي أخوك هيكون ضهرك ، أنا قاعد أعيط
وهو نايم في سابع نومه

أكمل فوزي حديثه بصوت ثقيل قتله الرغبة في الصراخ
مع الدموع

ماما إنتي مش بتردي ليه؟ طب شفتي إللي حصل انهارده
، الزمالك خسر من الأهلي 1/6 ، أنا عارف إنك
مابتحبيش الكورة بس كنتي دايماً تقولي يارب الزمالك
يخسر عشان واكل دماغك أهو خسر أهو ردي عليا بقى
عشان خاطري..... انتي تعبانة وعايزة تنامي ، خلاص
أنا هنام معاكي انهارده وهنام في حضنك ، اه أنا كبرت
بس عايز أنام في حضنك انهارده

ثم أحتضن فوزي أمه وهو يبكي وفي هذا المشهد كان
محمد يقف على باب الغرفة وينظر إلى السرير الذي كان
ينام عليه الطفلين في حضن جثة لن تبادلهم الحنان مجدداً

فراق حي

بعد أن شاهد محمد هذا المشهد في صمت أدار وجهه و
اتجه إلى الشارع وقرر أن يتحدث من الميناتل حتى
يحرص على أن لا يسمعه أحد من الأولاد

وقف أمام الهاتف ثم بدأ في الاتصال على أم درية (شهد
الدمراوي)

شهد : ألو السلام عليكم

محمد: وعليكم السلام . شهد الدمراوي معايا

شهد: مضبوط ، مين معايا؟

محمد : أنا دكتور محمد جوز بنتك

شهد : إديك يا محمد عامل إيه لا بتسأل ولا حد بيسمع
صوتك

محمد : معلش والله الدنيا مشاغل و أنتي عارفة

شهد : ربنا يعينك بيني. قولي أخبار درية إيه ؟

محمد : أنا اتصلت عليك عشان موضوع خاص بدرية

شهد : اه عشان كانت هتولد انهارده ، والله اعزرنى بينى
انت عارف انى مش هقدر أجى القاهرة ، المشوار بعيد
عليا وأنا صاحبة مرض، بس طمنى جابت إيه ؟

محمد : الحمد لله ربنا رزقنى بولد (عاصم)

شهد : ألف مبروك يا حبيبي يتربى فى عزك ، أنت بتتكلم
من البيت ولا من الشارع ؟

محمد : الشارع

شهد : طيب يا حبيبي أنا هقفل معاك وهتصل على البيت
عشان أبارك لأدرية ، عايز حاجة؟

محمد : مش هاينفع

شهد : تقصد عشان تعبانة ؟ عادي بكرة الصبح أكلمها
مش مشكلة

محمد : مش هاينفع تكلمها خالص

شهد : ليه؟

محمد: البقاء لله درية توفت

نزل الخبر على أم درية كالصاعقة حتى إنها تركت الخط
مفتوحاً لم تجيب على جملة محمد الأخيرة ولم تغلق

المكاملة بل كانت مثل التماثيل بدون حركة أو حتى تفاعل
يدل على الحزن

محمد : ماما! ، إنتي سمعاني ؟

شهد : ويارتني ما سمعتك

محمد : بس أنا كنت عايزك في موضوع ثاني

شهد: ايه الموضوع ؟

محمد : الأولاد مش عايزهم يعرفوا الخبر و هاجي بكرة
الصبح أوصلهم لحد عندك

شهد : أنت إتجننت يا محمد ؟ إذاي متعرفهمش موت أمهم

محمد : لا ده قراري أنا ، وأنا مسؤول عنه

شهد: بس قرارك غلط يا محمد

محمد: والله بقى غلط أو صح مش مهم ، المهم عندي إنك
ماتعرفهمش حاجة خالص ، ولو عرفوا ، بيتك هايتحرم
عليهم

شهد : انت بتهدد حماتك يا محمد ده أنا ذي أمك

محمد : مش تهديد بس مش عايز حد يبوظ إللي بعمله

شهد: ماشي يا محمد أنت إعمل إللي أنت عايزه ، وعلى رأي المثل إللي بيثيل قربة مخرومة بتشر على دماغه

أغلق محمد الخط وهو يدور في رأسه جملة واحدة فقط قالتها درية في آخر شهور حملها وهي نائمة على فراشها وكان محمد يمسك يدها حتى يهون عليها ألم الحمل

درية : خليك صاحب قرار يا محمد أحياناً لازم تعمل الصح وماتسمعش لحد طالما أنت شايف قرارك صح

في تمام الساعة الخامسة صباحاً أيقظ محمد أولاده حتى يرحلون ويقوم بتوصيلهم إلى جدتهم بالأسكندرية كما اتفق معهم

محمد : قوم يا فوزي يلا وصحي أختك واجهزوا عشان هانمشي

فوزي وهو يتنأب : نمشي! نمشي نروح فين؟

محمد: عند تيتة شهد ذي ما اتفقنا

فوزي : بس أنا مش عايز أروح

محمد : عيب هي عايزة تشوفكم

فوزي : طب ماما ؟

محمد : لا هانسيب ماما هنا عشان تعبانة ونعمة هاتكون
معها ماتقلقش

فوزي : حاضر يا بابا هاقوم أهو

قام فوزي وأفاق أخته التي كانت تعانده وتقول له إنها لا
تريد ترك أمها وتريد أن تقضي وقت أطول معها لكن
فوزي أصر على سحبها حتى تقوم وتجهز نفسها للسفر.

وبعد ساعة كان قد جهز الجميع للرحلة إلى الإسكندرية

استغرقت مدة الرحلة حوالي ثلاث ساعات حتى وصلوا
إلى العجمي لكن طول الطريق كانت تظهر ملامح عدم
التركيز على وجه محمد حتى كاد أن يقع في حادث
مروري في عدة مرات لكنه كان يفيق في الوقت المناسب
وكان عاصم بالكرسي المجاور لوالده أما فوزي و شهد
كانوا جالسين في المقعد الخلفي وكل واحد منهم ينظر من
النافذة التي تجاوره ولم يصدر منهما أي صوت حتى
وصلوا

استقبلت الجدة الأولاد بصدر رحب وقامت بفتح ذراعيها
لتحتضنهم وأدختهم وقالت لهم أن ينتظروا حتى تأتي لهم

ثم خرجت العجوز ذات العبائة السوداء حتى تتحدث مع
زوج بنتها

محمد: البقاء لله

الجدة: البقاء لله وحده

بكى محمد وارتمى في حضنها : انا مش عارف هاعيش
من غيرها إذاي

الجدة : شد حيلك يا محمد الحياة مش بتقف على حد أنا
عايشة لوحدي من سنين

محمد : طيب هروح أنا عشان أخلص إجراءات الدفن

الجدة : هو انت ماخلصتهاش ؟

محمد : ما حضرتك عارفة اني مش عايز أحسس العيال
بحاجة

الجدة : بس غلط إللي أنت بتعمله ده الأولاد لازم يعرفوا
، دول واعيين لكل حاجة

محمد : إحنا اتكلمنا في الموضوع ده واتفقنا امبارح وأنا
قلت إللي عندي مع احترامي الكبير لحضرتك بس دول
ولادي وانا أدرى بمصلحتهم ومش عايزهم يزعلوا

الجدة : مش عايزهم يزعلوا ؟ دول وشهم مخطوف كأنهم
عارفين

محمد : لا هما بس عايزين يناموا عشان أنا مصحهم
بدري وهما مناموش في الطريق

الجدة : طب نرجع لموضوعنا تاني ، هو أنت لسة
ماخلصتش أي حاجة من إجراءات الدفن

محمد : كلمت حارس المقابر يفتح مقابر العيلة ، وموجود
من الصبح مع نعمة دكتور حمزة عشان يكتب التقرير
الطبي للوفاة

الجدة : ربنا معاك ويصبرك ويصبرنا على فراقها

عاد محمد للقاهرة ودخلت الجدّة شهد حتى ترحب
بأحفادها

الجدة : مالك يا شهد؟

شهد : لا مفيش بس عايزة أنام

الجدة : وأنت كمان يا فوزي عايز تنام؟

فوزي : الصراحة أه

الجدة : طب أدخلوا ناموا لحد ما يجي ميعاد الغدا

وفي أثناء عودة محمد إلى القاهرة قام بتشغيل كاسيت
السيارة على الأغاني الحزينة حتى يعبر عن حزنه
بطريقته وكان يدندن مع الأغاني

محمد بدنونة خلف عبد الحليم حافظ : شوف بقينا فين
شوف ، شوف بقينا فين يا قلبي ، وهي راحت فين ،
شوف بقينا فين يا قلبي ، شوف خدتنا لفين يا قلبي وشوف
سابتنا فين.

وظل يسمع الاغاني الحزينة المتنوعة من فنان لفنان آخر
حتى وصل إلى المعادي

نزل من السيارة ليجد والده يستقبله ويحتضنه بالدموع
ومع ثمانية والأخرى يجد الجيران تسلم عليه و تعزيه وفي
الخلفية سمع صوت مكبرات المسجد وهي تنشر الخبر

(انتقلت إلى رحمة الله تعالى المتوفية زوجة الدكتور محمد
عمرو البلتاجي وصلاة الجنازة عاقب صلاة الظهر)

بعد انتهاء الصلاة وانتهاء الجنازة ودفن درية رحل
الجميع بعد أخذ العزاء لكن محمد لم يرحل وجلس أمام
قبرها يتأمله بنظرات صامته و عيون دامعة باكية

محمد: ليه ؟ ليه سيبتيني ؟ هعيش إذاي ؟

طب عاصم . إنتي حتى مشفتيش عاصم شكله إيه. هشيل
مسؤوليته لوحدي إذاي ؟

صمت محمد قليلاً حتى أدرك إنه كاد أن يغضب ربه لأنه
لم يرضى بقضاء الله ثم قام بالاستغفار و ودع زوجته
ورحل

وعندما عاد إلى المنزل وجد والده يقابله بحده

عمرو: العيال فين ؟

محمد : عند جدتهم

عمرو : إذاي ميحضروش دفن أمهم ؟

محمد : عادي مش عايز أشوف ز علمهم وكسرتهم
عمرو : وبعد ما يرجعوا وميلاقوش أهمهم هتتصرف إذاي
؟

محمد : هقولهم إنها كانت تعبانة جداً فسفرتها تتعالج برا
عمرو : ولما يفضلوا بقى على أمل إنهم يشوفوا أهمهم تاني
؟

محمد : يكبروا كمان شوية وهعرفهم الحقيقة
عمرو : يعني هيفضلوا سنين عايشين وهم إنها بتتعالج
ومش هيقررروا يوم حتى يتصلوا عليها يطمنوا؟

اسمع مني هتتكشف في ثانية وهيكون موقفك وحش أوي
محمد : هحاول أشوف طريقة أقنعهم بيها

عمرو : تفتكر هما هيجبوك لما يعرفوا إنك قعدت سنين
مخبي عليهم موت أهمهم وعيشتهم في وهم أنهم هايقابلوها
تاني وبعد كده تخذلهم بقرار موتها ؟

رد محمد بالصمت

عمرو : ما علينا البقاء لله. أنا راجع دمياط انهارده

محمد : الدوام لله

عمرو : انت مش هتتغير أبداً

نعمة مقاطعة الحديث: اذيك يا بيه

عمرو : بخير الحمدلله . خير مش شايفانا بنتكلم

نعمة : لا مؤاخذه يا بهوات مش إلي ذنب ، مدام شهد هانم
عايزاك على التليفون يا دكتور

محمد : وهي مقالتش عايزة إيه ؟

نعمة : لا والله يا دكتور مش جابت أي سيرة خالص

محمد : عن إذتك يا بابا هشوف في إيه وراجعلك على
طول

محمد : ألو.. خير

الجدة : عايزة أقولك على حاجة بس أوعدي تهدي

محمد : خير ، عاصم جراه حاجة

الجدة : لا عاصم والأولاد بخير لكن الأولاد عارفين
حقيقة موت أمهم

لم ينطق محمد كلمة بعد سماع هذه الكلمات وقام بإغلاق
سماعة الهاتف الأرضي بعصبية واتجه إلى السيارة وكان
على وجهه الغضب وأضح حتى إنه تجاهل والده

الجدة شهد : إبعثيلي الأولاد من فوق يا سهير

سهير : أمرك يا مدام

الجدة : سهير!

سهير : نعم يا مدام

الجدة: لآخر مرة هسألك. إنتي فعلاً سمعتي الأولاد
بيتكلموا عن موت أمهم

سهير : والله يا مدام شهد سمعت فوزي بيقول لأخته من
بعد ما ماما ماتت وانا مش عارف أنام ومش جايلي نوم

الجدة: طيب اطلعي اندهيلهم ، المغرب قرب يأذن

وبعد نزول الأولاد جلسوا على السفرة

الجدة : سيبتكم نايمين صعبتوا عليا بس إحنا وصلنا
المغرب لازم ناكل لقمة

فوزي : بس أنا شبعان يا تيتة

شهد : وأنا كمان

الجدة: لا لازم تخلصوا الأكل ده كله

وقامت بالإشارة بإصبعها على عاصم وقالت : ذي ما
الملاك الصغين ده خالص أكله كله

فوزي : تاني هتقولوا ملاك

الجدة : وماله بقى يا سي فوزي

فوزي : ده اكثر حد نحس شفته في حياتي

الجدة : فين النحس ده

فوزي : ده اتواد من هنا خسرنا ٦ من هنا

الجدة ضحكت بهستيرية : اه قولتلي ، انت زملكاوي ، ده
المارد الأحمر مفيش قده

فوزي : الزمالك بطل الدوري السنة إللي فاتت

الجدة: الأهلي بطل أفريقيا السنة إللي فاتت

فوزي : طب الزمالك هيكون بطل أفريقيا السنة دي
وهتشوفي

الجدة : الأهلي بطل السوبر الافريقي

فوزي : الزمالك خد من الأهلي السوبر الافريقي من 8
سنين بهدف ايمن منصور

الجدة : برضو الأهلي علم على الزمالك

فوزي بعصبية بعد أن حاول أن يصمت : ليكي عين
ونفس تضحكي وإنتي عارفة إن بنتك ماتت؟

الجدة : انت بتقول ايه يا فوزي

شهد : انت بتقول ايه بيني كل وبطل تخريف بقى الكورة
لحست دماغك

وقبل إنهاء حديثهم دق جرس الباب ، فتحت سهير الباب
حتى يدخل محمد بعصبية واندفاع دون أن يلقي عليهم
السلام حتى وقام بإنتشال شهد ومحمد من على السفارة
وأمر سهير أن تحضر حقيبة الأطفال

محمد : روعي يا سهير بسرعة هاتي شنطة الأطفال

سهير: أوامرك يا بيه بس أخذ إذن مدام شهد هي صاحبة
البيت

محمد بعصبية : بقولك هاتي الشنطة انتي مابتفهميش
الكلام ليه

الجدة : ما تهدي يا ابني مالك

محمد : أنا مش عايز اسمع صوتك تاني سبق وحذرت
قبل كده

الجدة : أنا مقولتتش حاجة والله

محمد : قاتلك العيال لو عرفوا هيكون بيتك محرم عليهم
وايدهم عرفوا وانا جاي اخدهم ومش هتشوفي وشهم تاني

الجدة : انت كده بتقطع صلة الرحم يا محمد

لم يرد عليها وأخذ الحقيبة من سهير ووضع بها عاصم
واتجه إلى الباب وفي يده شهد و فوزي وقبل أن يغلق
الباب ويرحل إلتفت إلى الجدة ونهرها بعد أن نادته

الجدة : محمد انت بتتكلم كده ليه انا قد والدتك عيب كده

محمد : والله أنا لما احتجت حد لجأتلك عموما بس انتي
خنتي الاتفاق وآخر الكلام بيتك يحرم عليا وعلى أولادي
لحد ما أموت وعلاقتي بيكي إنتهت من بعد موت بنتك

ثم تركها محمد وذهب إلى السيارة وسط بكاء الأطفال
والحزن على الفراق رغم أنهم على قيد الحياة لكن لا
يقدرّون على تكسير أوامر والدهم لذلك ركبوا السيارة
لكن لم تنزل أنظارهم عن باب الجدة شهد التي ظلت واقفه
تراقب رحيلهم في صمتٍ بالكِ

فلاش باك

يوم ٢٠٢٠/٧/٢٣

تجمع عائلي بين ثلاث أفراد الدكتور محمد البلتاجي و المحامي فوزي البلتاجي والطالب الثانوي عاصم البلتاجي منتظرين ظهور نتيجة الثانوية العامة وملامح التوتر تظهر على وجوه الثلاث أفراد وبعد لحظات تم كسر هذه الملامح بفرحة هستيرية بعد إعلان النتيجة .

الطالب : عاصم محمد عمرو البلتاجي

الشعبة : علمي علوم

النتيجة : 403

المجموع : 98.4%

تغيرت ملامح التوتر والحظر إلى سعادة على أوجه عاصم ومحمد حتى دمع أعين محمد من الفرحة

محمد : ألف مبروك يا عصومي

عاصم : الله يبارك فيك يا بابا كله من تعبك وخيرك

محمد : ناوي تدخل إيه

عاصم : مش عارف والله

فوزي : كله محصل بعضه

عاصم : والله نفسي اكون حاجة كبيرة ذيك يا مستشار

فوزي : وانت تقدر على شغل الحمامة ؟

عاصم : وايه الصعب فيها

فوزي بعد أن قام من مقعده وقرر الرحيل أجاب وهو يرحل :

شغل عايز دماغ مفتحة وذكاء وشخصية

محمد : رايح فين يا فوزي

فوزي : رايح المكتب عندي قضية مهمة شغال عليها

محمد : ربنا معاك يبني مع السلامة

رحل فوزي وغادر المنزل وأصبح عاصم ومحمد وحدهم في

المنزل وكان الأب سعيد جداً بنجاح ابنه وتفوقه

عاصم : بابا هو أنت ليه سبت فوزي يمشي من غير حتى ما

يقولي مبروك

محمد : راح عن بالي والله يبني وتلاقيه مخدش باله انت عارف

لما بيركز في قضية بينسى إللي حوالية

عاصم : حاسه مش فرحان

محمد : ده كان قاعد قلقان قبل ظهور النتيجة مجتث على حته

كلمة نسي يقولها يعني

عاصم : بس دي مش أول مرة يا بابا

محمد : منشغلش بالناس في ذكريات قديمة

الساعة الوقت واحدة ، يلا روح نام عشان الوقت أتأخر

عاصم : حاضر يا بابا تصبح على خير

محمد : وانت من أهل الخير

لم يتسلل النوم إلي جفون عاصم وكان يتذكر كل ذكرياته
القديمة حتى ذهبت ذكرياته بكل التفاصيل إلي الماضي

عاصم وهو يستعيد الذكريات : أنا فاكركويس يوم ما جبت
النتيجة الإبتدائية كأنه كان امبارح

٢٠١٤/٦/٢٩

سعيد : ايه ده أنت طلعت شاطر أوي أهو و جايب ٩٩٪

عاصم : أه عشان بذاكر

سعيد : بس الحمد لله إحنا عارفين هنروح فين بعد ابتدائي كده
كده عوض الصياد إبتدائي وإعدادي

عاصم : ما أنا عارف

سعيد : أنت مش بتاخذ وتدي في الكلام ليه ؟

عاصم : مش متعود أتكلم مع حد في المدرسة

سعيد : ما أنا كنت بشوفك قاعد مش بتتكلم مع حد و بتروح لوحدك كمان

عاصم : هو أنت اسمك إيه ؟

سعيد : أنا اسمي سعيد أبو الذهب

سعيد : هو أنت فعلاً من القاهرة

عاصم : أه من القاهرة وقاعد مع جدو هنا في دمياط

سعيد : وبتشوف بقى أبوك وأمك بعد الدراسة بس

عاصم : أنا ماما مانتت و مشوفتهاش

سعيد : الله يرحمها

عاصم : يا رب ، بابا وأخواتي بعد الدراسة ما بتخلص بينزلوا

دمياط يصيفوا في راس البر وبروح معاهم بعد المصيف

سعيد : يعني أنت هتمشي قريب

عاصم : أه هروح القاهرة قريب

سعيد : طب معاك تليفون عشان أبقى ارن عليك

عاصم : لا والله مش معايا

سعيد : طب خلاص تعالى نتكلم شوية طالما مش هشوفك غير

لما الدراسة تبدأ

عاصم : من انهارده إحنا صحاب

سعید : اتفقنا

عاصم : أنا بابا أصله من دمياط بس هو دكتور واتخرج من
جامعة القاهرة عشان مفيش جامعة في دمياط

سعید : يعني انت أبوك دكتور ؟

عاصم : أه الدكتور محمد عمرو البلتاجي

سعید : أنا حاسس اني سمعت الاسم ده قبل كده

سعید: هو عمرو البلتاجي ده تاجر خشب ؟

عاصم : أه هو عرفت منين

سعید : أصل بابا نجار وييجيب من عنده خشب

عاصم : وماما الله يرحمها كانت دكتورة نسا وتوليد

سعید : الله يرحمها

عاصم : بابا كان دايماً يتكلم معايا عنها ويقولنا قبل ما نتكلموا
عنها دائماً قولوا (الدكتورة درية عاصم فوزي العامري)

سعید : اشمعنا

عاصم : عشان هي كانت دكتورة شاطرة

سعید : بقولك إيه ما تيجي نلعب كورة ، أنت ليك في الكورة ؟

عاصم : لأ مش بفهم في الكورة

سعيد : أنت بتشجع مين؟

عاصم : أنا مليش في الكورة . بس لو ماتش شغال بشجع الأهلي

سعيد : جدع المهم انك بتشجع الأهلي

عاصم : هي الساعة كام معاك

سعيد : الساعة 12 الظهر

عاصم : يا نهار أزرق أنا اتأخرت، جدي هيضربني

سعيد : طب أبقى تعالى هنا بليل هنلعب كورة

عاصم : لو عرفت حاجي

رحل عاصم وقت ذلك مسرعاً حتى يسعد جده بنتائج الامتحانات وعند وصوله دق الجرس حتى يتفاجأ بشهد تفتح الباب وتفتح ذراعيها حتى تستقبله

عاصم : إيه ده ؟ شهد ! هو أنتوا جيتوا أمتي ؟

شهد : كفاية رغي وتعالى هات حضن ، وحشتني يا واطي

عاصم : وحشتك و واطي ، تركب إذاي دي؟

شهد : شتم الحبيب ذي أكل الزبيب

عاصم : هي مش كانت ضرب الحبيب ؟

شهد : انجز يا رخم هتجيب حضن ولا أسيبك وأدخل

ارتمى عاصم في حضنها ولم يفارقه حتى سمع صوت يناديه
بحده

فوزي : كنت صايغ فين على الصبح كده؟

عاصم : كنت بجيب النتيجة

شهد : وعملت إيه ؟

عاصم : نجحت الحمدلله

فوزي : وهو في حد بيسقط في ابتدائي؟

شهد : عايز إيه يا فوزي ؟

فوزي : لا مش عايز حاجة بس إحنا مش بتوع نجحت وسيب
القوس مفتوح إحنا عايزين تقدير

عاصم : أنا جيت ٩٩٪

شهد : ما شاء الله ، شاطر يا عصومي

فوزي : شاطر على إيه ؟ ده لسة في ابتدائي

شهد : انت عرفت تجيب المجموع ده وانت في ابتدائي ؟

فوزي : وانت هتقارني أيامنا بأيامه ؟ المهم ورينا هتعمل إيه
في الآخر.

شهد : عاصم هيبقى مهندس

فوزي : أيوه يا عاصم خد الحكمة من أفواه الفلاحين

شهد : تقصد إيه يا فوزي؟

فوزي : هو مش انتي اتخرجتي في كلية الفلاحين برضو ؟

شهد : طب بس أسكت أنت متعرفش تدرس ربع إللي درسناه
اخرك تحفظ مواد القانون وبس

فوزي : وأنتي فاكرة إن دراستنا كلها قانون بس ولا إيه ؟

واشتد النقاش بين شهد وفوزي وتجاهلوا عاصم تماماً حتى رحل
عنهم واتجه إلى غرفة جده ليجد والده جالس مع جده فانقض
عليه بالقبلات وكله اشتياق لسند الأب

محمد : عرفت من جدك إنك كنت رايح تجيب النتيجة صح ؟

عاصم : أه ونجحت وجبت ٩٩٪

محمد : أيوه كده هو ده إبني ، عايزك تطلع دكتور ذي بابا

عاصم : أنا الحمدلله عارف مكان مدرستي عشان مدرستي فيها
إعدادي برضو

محمد : هو أنا ماقولتلکش؟

عاصم : على إيه ؟

محمد : أنا جاي انهارده هاخذ ملفك عشان تدخل مدرسة في
القاهرة

عاصم : بس أنا بقى ليا صحاب

محمد : عادي هتعرف يبقى ليك صحاب هناك برضو

توقفت ذاكرة عاصم عند هذا الحد حين تذكر وقت أن نجح في
المرحلة الإعدادية وتعامل فوزي معه وقتها

في يوم ٢٠١٧/٧/١

فوزي : أهلا وسهلاً بالأستاذ ، وشك مقلوب ليه؟

عاصم : مفيش زعلان شوية

شهد : خير يا عاصم عملت إيه ؟

عاصم : نجحت بس جبت 87% بس

فوزي : شفتي يا شهد قلناك ده في ابتدائي كان فرحان بالنتيجة
لكن بان على حقيقته دلوقتي

شهد : بس هو مسقطش مثلاً وهيلحق ثانوي

فوزي : ثانوي ؟ المجاميع كبيرة السنادي مش هيلحق

شهد : لا مش للدرجة يا فوزي

فوزي : شكنا كده مش عارفين نتعامل معاك في التعليم ، الله
يرحمك يا جدي مات من غير ما يقولنا كان بيتعامل معاك إذاي

عاصم : طب حتى قولي مبروك حتى

فوزي : مبروك على إيه أنت خسارة فيك فلوس التعليم
والدروس الخصوصية ، أبوك بقي بيخسر ثروته بسببك

شهد : بسبب عاصم ولا بسبب أبوك ؟

فوزي : صرف على تعليمه آلاف الآلاف

شهد : وأنت مكتبك متشطب ومحدث عايز يعيرك وأبوك فضل
يصرف عليك طول الجامعة وكمان فتحلك مكتب ليه بقي
مطبقتش الكلام ده على نفسك

فوزي : طب وجهازك يا عروسه وأنتي خلاص أهو فرحك
قرب

شهد : أنا مبقولش إننا السبب في إن ثروة أبوك بتروح

السبب إن أبوك جراح ، دكتور مخ و اعصاب وبقي على
المعاش كمان ومحدثش بيقدر يشتغل ورافض يستثمر فلوسه وده
سبب أن ثروته بتروح

عاصم : على فكرة ده مش وقت خناق بابا تعبان محدش يزود
عليه ده غير أنه بدأ ينسى

توقفت ذاكرة عاصم عند هذا الحد عندما غلبه النوم ليستعد ليوم
جديد من معاناة التنسيق الجامعي.